



Broj:09-20-11-2-718/4

Datum:19.05.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14 i 59/22 ), i preporuke Komisije za provođenje otvorenih postupaka nabavke u 2023. godinu, zamjenik direktora Federalne uprave policije d o n o s i :

## O D L U K U

o poništenju postupka javne nabavke rezervnih dijelova za vozila i usluge popravke vozila iz programa Toyota koja nisu u garanciji za LOT-4

1. Poništava se postupak javne nabavke rezervnih dijelova za vozila i usluge popravke vozila iz programa Toyota koja nisu u garanciji za LOT-4, iz razloga što pristigle ponude znatno prevazilaze procjenjenu vrijednost nabavke.
2. Ova odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14 i 59/22).
3. Ova odluka stupa na snagu danom donošenja
4. Za izvršenje Odluke zadužuje se Sektor za materijalno- finansijske poslove.

## O B R A Z L O Ž E N J E

Federalna uprava policije je provela otvoreni postupak Javna nabavka rezervnih dijelova za vozila i usluga popravke vozila iz programa VOLKSWAGEN, ŠKODA, LAND ROVER, OYOTA, AUDI i FIAT, koja nisu u garanciji po Obavještenju o javnoj nabavci broj: 1412-1-1-56-3-36/23 , objavljeno u "Službenom glasniku BiH" broj: 24/23, dana 07.04.2023.godine.

Komisija za provođenje otvorenih postupaka nabavke za 2023.godinu, imenovana Rješenjem zamjenika direktora Federalne uprave policije broj: 09-19/1-30-2-26 od 04.01.2023.godine je utvrdila da su u zakonu predviđenom roku za dostavljanje ponuda za LOT- 4, pristigle dvije ponude i to:

- a) Ponuda ponuđača MIRADO d.o.o. Tuzla broj: I-1503/23 od 17.04.2023.godine u iznosi 4.978,00 KM bez PDV-a,
- b) Ponuda ponuđača KARE d.o.o. Sarajevo broj:SK 3623.4/ 23 u iznosi 2.113,00 KM bez PDV-a.

Komisija je u postupku pregleda i ocjene ponuda utvrdila da navedene ponude ponuđača znatno prevazilaze procijenjenu vrijednost nabavke koja iznosi 500,00 KM bez PDV-a, iz kojeg razloga su iste ponude ocijenjene kao neprihvatljive, te je Komisija za LOT-4 - postupka javne nabavke rezervnih dijelova za vozila i usluge popravke vozila iz programa Toyota koja nisu u garanciji, u skladu sa članom 69. stav 2. tačka e) Zakona o javnim nabavkama BiH, predložila poništenje postupka nabavke, što je konstatovala u Zapisniku o pregledu i ocjeni ponuda od 27.04. 2023. godine i 09.05.2023.godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.



**DIREKTOR**  
**(po ovlaštenju Vlade FBiH)**  
**GLAVNI INSPEKTOR**

**Vahidin Munjić**

Dostaviti:

- Sektor za mat. fin. poslove
- ponuđačima
- u spis